

Broj: 03-02-307/2022
Sarajevo, 24.03.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Priljeno: 25-03-2022			
Org. jed.	Broj	Priloga	Vrijednost
02-	02-	532	22

**PARLAMENT FEDERACIJE
BOSNE I HERCEGOVINE**

- Dom naroda -
gosp. Tomislav Martinović, predsjedavajući

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o dopuni Zakona o zdravstvenoj zaštiti – skraćeni postupak, kojeg je podnio Hadis Jusić, delegat u Domu naroda Parlamenta Federacije BiH**, a koje je Vlada Federacije Bosne i Hercegovine utvrdila na 309. sjednici, održanoj 24.03.2022. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadil Novalić

Prilog: kao u tekstu na bosanskom jeziku

Cc: Federalno ministarstvo zdravstva

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o dopuni Zakona o zdravstvenoj zaštiti – skraćeni postupak, kojeg je podnio Hadis Jusić, delegat u Domu naroda Parlamenta Federacije BiH, Vlada Federacije Bosne i Hercegovine je, na 309. sjednici održanoj 24.03.2022. godine, utvrdila sljedeće

MIŠLJENJE

U članu 1. Prijedloga Zakona o dopuni Zakona o zdravstvenoj zaštiti („Službene novine Federacije BiH“, br. 46/10 i 75/13), u članu 66. iza stava (6) dodaje se novi stav (7) koji glasi:

„Izuzetno od stava 6. ovog člana, direktor zdravstvene ustanove može imati završen ekonomski ili drugi fakultet društvenog usmjerenja, najmanje pet godina rukovodnog radnog iskustva te ispunjavati i druge uvjete propisane aktom o osnivanju, odnosno statutom.“

Dosadašnji st. 7. do 12. postaju st. 8. do 13.“

Prijedlog Zakona o dopuni Zakona o zdravstvenoj zaštiti kandidira se za donošenje po skraćenoj proceduri, jer nije u pitanju složen i obiman zakon.

U Obrazloženju Prijedloga Zakona o dopuni Zakona o zdravstvenoj zaštiti navode se razlozi za donošenje ovog zakona u kojima se ističe da je sadašnjim rješenjem u Zakonu o zdravstvenoj zaštiti propisano da direktor zdravstvene ustanove mora imati medicinski, stomatološki odnosno farmaceutski fakultet, najmanje pet godina radnog iskustva u struci, znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta, te ispunjavati i druge uvjete propisane aktom o osnivanju, odnosno statutom. Smatra da treba omogućiti da se za direktora zdravstvenih ustanova mogu postaviti i osobe koje imaju završen ekonomski, pravni ili drugi fakultet društvenog usmjerenja, obzirom da su problemi u zdravstvenim ustanovama uglavnom vezani za poslove finansijske prirode i da ove osobe mogu biti menadžeri ovih ustanova.

U vezi sa podnesenim Prijedlogom Zakona o dopuni Zakona o zdravstvenoj zaštiti Vlada Federacije Bosne i Hercegovine smatra sljedeće:

Članom 66. stav (6) Zakona o zdravstvenoj zaštiti („Službene novine Federacije BiH“, br. 46/10 i 75/13), regulirano je da direktor zdravstvene ustanove mora imati medicinski, stomatološki odnosno farmaceutski fakultet, najmanje pet godina radnog iskustva u struci, imati znanje o zdravstvenom menadžmentu koje dokazuje certifikatom o obavljenoj edukaciji iz zdravstvenog menadžmenta, odnosno završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta, te ispunjavati i druge uvjete propisane aktom o osnivanju, odnosno statutom.

Citiranu odredbu Zakona treba posmatrati i u kontekstu Pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koje konkuriraju za direktora zdravstvene ustanove („Službene novine Federacije BiH“, broj 77/17) koji je donio federalni ministar zdravstva u skladu sa svojim ovlastima iz člana 66. stav (7) Zakona. Ovim pravilnikom su regulirani uvjeti glede završenog fakulteta zdravstvenog usmjerenja koje moraju ispunjavati osobe koje konkuriraju za direktora zdravstvene ustanove, a u ovisnosti od tipa zdravstvene ustanove, ali i specifični uvjeti koji se odnose na završenu specijalizaciju, kao i